

# 《毘沙門天王經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1244

## No. 1244

### 毘沙門天王經

開府儀同三司特進試鴻臚卿肅國公食邑三千戶贈司空諡大鑒正號大廣智大興善寺三藏法師不空奉 詔譯

爾時毘沙門天王。在於佛前合掌。白佛言世尊。我為未來諸有情等利益安樂。豐饒財寶護持國界故。說自真言。我此真言。如真多摩尼寶王能滿眾願。世尊聽許我說。佛言善哉善哉天王。汝能愍念為諸有情。恣汝意說

爾時毘沙門天王歡喜無量即於佛前說心真言曰

曩謨囉怛曩(二合)怛囉(二合)夜(引)野(一)曩謨吠室囉(二合)麼拏(鼻引)野(二)摩賀(引)囉(引)惹(引)野(三)薩嚩薩怛嚩(二合)曩(引)麼(鼻引四)舍(引)跛哩布(引)囉拏(鼻引)野(五)悉地迦囉(引)野(六)蘇(上)騫娜娜(引)野(七)怛娑每(二合引)曩莫塞訖哩(三合)怛嚩(二合八)伊(上)鞞(引)吠(引)室囉(二合)麼拏(鼻引)紇哩(二合)乃野(九)麼(引)鞞多以灑(引)弭(十)薩嚩薩怛嚩(二合)蘇(上)佉(去引)嚩憾(十一)怛儻也(二合)他(去引十二)唵悉地悉地(十三)蘇(上)母蘇(上)母(十四)左(上)左(上)左(上)左(上十五)左囉左囉(十六)娑囉娑囉(十七)羯囉羯囉(十八)拞里拞里(十九)矩嚩矩嚩(二十)母嚩母嚩(二十一)主嚩主嚩(二十二)娑(去引)馱野遏貪麼麼(二十三)顛底也(二合)末他弩(鼻引)娑(去)嚩娑嚩(二合)賀(二十四)吠室囉(二合)麼拏(鼻引)野娑嚩(二合引)賀(二十五)馱曩娜(引)野娑嚩(二合)賀(引二十六)麼(鼻)拏(鼻引)囉他(二十七)跛哩布(引)囉迦(引)野娑嚩(二合)賀(引二十八)

爾時毘沙門天王說此真言已。白佛言世尊。我今說受持真言法。先取安悉香白檀香龍腦香多囉囉香薰陸香蘇合香。和合此香。供養我毘沙門天王。若迎請時結根本印。以二頭指向身三招。即誦真言七遍頂上散印

怛儻也(二合)他(去引一)曩謨吠(引)室囉(二合)麼(鼻音呼)拏(鼻音引)野(二)曩謨(引)馱曩娜(引)野(三)馱甯(寧定反引)濕嚩(二合)囉(引)野(四)阿(去引)囉(言羯反)蹉(去引)囉蹉(五)阿跛哩弭多馱甯(引)濕嚩(二合)囉(六)鉢囉麼(鼻)迦(引)嚩拞迦(七)薩嚩薩答嚩(二合)呬(馨異反)多(上)唧多(八)麼麼馱曩麼(鼻音)拏(鼻音)鉢囉(二合)拽(延結反)蹉(九)娑嚩(二合)琰麼(鼻音引)囉娑娑嚩(二合)賀(引十)

行者念誦常無間斷。乃至毘沙門天王子赦儻娑。現童子形告持誦者言。汝有何事請召我父。持誦者言。我為供養三寶受與我財寶。童子赦儻娑於須臾頃。還至毘沙門天王所。告父王言。持誦者求諸財寶。為供養故利益有情。毘沙門天王告童子赦儻娑言。汝日日與金錢一百乃至壽終。其童子赦儻娑。日日送金錢一百。與持誦者安於頭

邊。其金錢異種香氣。先願所得之者。除自受用外應行捨施。不應貯積而懷慳悋。常於一切有情起大慈心勿生嗔恚。以殊勝香花飲食燈明。於寂靜處如法供養佛法僧寶。兼復思惟而無間斷。為毘沙門天王并諸眷屬。念恩德故常應誦吉祥讚。令彼天王獲諸吉慶。願毘沙門天王男女眷屬內外親姻輔弼。乃至使者及諸營從。國界有情佛所稱讚十種福利悉皆獲得。所謂一者淨信二者戒。二者聞四者捨。五者受六者慧。七者形貌八者力。九者辯十者色聲香味觸富貴自在。於佛法中而開法眼。證得聖果獲得甘露妙法。亦得三十七品助佛道法。持誦者每日作如是發願。毘沙門天王即生歡喜告自營從眷屬。汝等觀彼持誦者於我深生恭敬

復告子赦憫娑言。持誦者希望。欲見我毘沙門藥叉王欲閉惡趣門。所思勝願皆令滿足。壽無量百千歲。獲得如意寶飛騰虛空。安怛那及得伏藏。若男若女及囉惹皆令敬愛。亦解一切禽獸語言。令得豐財永離貧匱。彼持誦者當於白月八日及十五日。令畫人受八戒澡浴著新淨衣。取不截白氎畫像。其彩色中不用皮膠。中心畫釋迦牟尼佛作說法相。佛右邊畫吉祥天女形。眼目廣長顏貌寂靜。首戴天冠瓔珞臂釧莊嚴其身。右手作施願手左手執開敷蓮花。畫像得已於清淨處。安像供養以塗香花鬘燒香飲食燈明。以供養佛及吉祥天女。受持者不應以下劣心而生恐怖。應以決定心。如法念誦此吉祥天女真言曰

曩莫室哩(二合)伽(去)曩(引)野曩謨吠(引)室囉(二合)摩拏(上引)野(二)摩賀(引)藥乞灑(二合)囉(引)惹(引)地囉(引)惹野(三)曩莫室哩(二合)夜(引)裏(引四)摩賀(引)禰(引)吠(鼻引五)怛憫也(二合)他(去引六)唵怛囉怛囉(七)咄嚕咄嚕(八)蘇瑟羆(二合)蘇瑟羆(二合下羆勅數反上同九)麼拏迦曩迦(十)嚩日嚩(二合)吠(引)女(拏數反引)哩也(二合十一)穆訖多(二合)曩(引)麼(引)稜(去)訖訖(二合)多(十二)僕(引十三)薩嚩薩怛嚩(二合十四)呬多迦(引)麼(十五)吠(引)室囉(二合)摩拏(十六)室哩(二合)野泥(上)尾(引十七)末臘毘(去十八)噯醯(去引)呬(十九)具囉拏(二合鼻)具囉拏(二合鼻二十)麼娑麼娑(二十一)捺囉(二合)捨野悉地(二十二)娜娜(引)呬銘(二十三)捺囉(二合)捨曩迦(引)麼寫(二十四)捺囉(二合)捨南(二十五)鉢囉(二合)賀囉(二合)賀囉(二合引)娜野麼諾娑縛(二合引)賀(引二十六)

爾時毘沙門天王。見持誦此真言及供養如來。愍念行者。則為現身作童子形或居士形。右手持如意寶左手持金篋。顏貌寂靜來至像前。禮佛像已告行者言。汝今於我欲求何願。為入修羅窟耶。為求伏藏耶。為求伏火水銀耶。為求安怛那囉惹敬愛耶。雄黃成就耶安膳那藥成就耶。持明成就耶飛騰虛空耶受命一大劫耶。如是等願悉能成就。持誦者白毘沙門天王言。願我一切處通達。獲得金銀無盡名稱福德。壽命無量劫飛騰虛空。變化種種瑜伽自在。毘沙門言隨汝所願。爾時毘沙門天王。欲重明其義而說偈言

假使有日月	從空墮於地
或大地傾覆	寧有如是事
不應生少疑	此法易成就



